

# Alti

## A. B. C. - Clique

1900 — 1933

1. Mir sin e-n-alti Clique, und  
Mir singe 's A B C !  
E kalti Dusche isch jo g'sund  
Und 's Lache duet nid weh — —  
Mir hän e Fraid, wenn ob däm G'sang  
E mänge Dubel schutzt —  
Und d'Hauptsach isch, dass jede Värs  
( . . . . . ) het butzt !
2. Das Gordon-Bennet-Bloterefescht  
Het schwer Fiasko g'macht ;  
Die Comité und Ehregescht  
Hän nochhär nimme g'lacht.  
Im Piccard wär das nid passiert,  
Denn dä fliegt nur fir sich — —  
Und die, wo's zahle, lehn — en nie  
( . . . . . ) im Stich.
3. E so ne Lippe-Negerwyb  
Het mächtig imponiert !  
Der Beppi het zuem Zytvertryb  
Das Dräggpack importiert.  
E Schnure, wie-ne Schleuderseil,  
Zwei Abtrittdeggel drinn — — —  
Was hän äehd die mit so-mene Schlanz  
( . . . . . ) im Sinn ?
4. Im Grosse Rot goht's mängmol zue — —  
Dr Deifel frait sich dra !  
Will do di dümmsehti Wälderchue  
Theater spiele ka — — —  
Und d'Wolgaschlepper singe scheen !  
Me frogt sich, was me miech,  
Wenn 's Bodemännli z'Züri wär',  
( . . . . . ) dä Siech.
5. Wenn Eine zwanzig Frangge findt  
Und ehrlich blybt derby — —  
Dä nimmt me sausackgrob am Grind  
Und sperrt en zäh Dag i — — —  
Doch wär z'Paris diräkterlet  
Fir-e grossi Basler Bank,  
Däm deckt me zue mit Weihrauchduft  
( . . . . . ) der G'stank.
6. Im Stadtplanbüro git's nyt neuis,  
Me merkt au nyt vom Geischt.  
Der Ober-Jehu isch e Preuss,  
E Schueschter ohni Leischt.  
Sy Arbet, wo-n-er g'leischtet het,  
Isch grad so wytt wie färn — — —  
Er soll scho Ehrebürger sy  
( . . . . . ) vo Bärn.
7. Der Einheitskübel, d'Einheitsprys,  
Die nämme-n-überhand !  
Doch mit der Einigkeit schoht's mys  
Bi Basel-Stadt und -Land.  
D'r Böhrli schwärmt fir d'Landwirtschaft,  
D'r Blarer duet wie-n-e Sau — —  
D'r Strub schrybt d'Zyttig und dänkt : Du  
( . . . . . ) mir au !
8. Der Daubmann-Rummel isch verby,  
Der Ignaz hoggt im Dräck ;  
Und Autofahrte, Fläschewy  
Hän siderhär kei Zwäck.  
's wär guet, wenn ebbe-n-e «Basler» sich  
Zuem Mode-n-Inventar  
E-n-Esels-Halftere kaufe tät  
( . . . . . ) bi'm Spahr.
9. O Hoimatländle, schöni Schwyz,  
Du bisch fir alles guet !  
Der Sowjetschtärn und 's Hooggekryz  
Anstatt em Gesslerhuet — — —  
Doch d'Hitler-Propaganda het  
In Basel nyt bizwäckt :  
s' brucht sterkere Duback, bis e Jud  
( . . . . . ) verreckt.

---

Kemmet alli am Sunntig z'Obe in grosse Muusig-  
saal zuem Schlussobe vo de Comité-Schnitzelbank.